

SCRIPTA

Numéro Scripta : 2749

Auteur(s) : Hémeri, écuyer, Vaunoise (seigneur)

Bénéficiaire(s) : Nicolas Quarrel [écuyer]

Bénéficiaire(s) : Émeline, femme de Nicolas Quarrel [particulier]

Genre d'acte : charte

Authenticité : non suspect

Datation : 1266, juillet

Action juridique : autre

Langue du texte : latin

Analyse

Affranchissement consenti par Hémeri, seigneur de Vaunoise, au profit de Nicolas Quarrel et d'Emmeline sa femme, de tout droit de terrage, de pressurage et de garde dûs au dit seigneur, à raison d'une vigne sise sur son fief, achetée par le dit Nicolas Quarrel, à la charge par l'acheteur de lui payer, pour le tout, douze deniers de cens annuel.

Tableau de la tradition

Éditions principales

a. Barret Philibert (Abbé), *Cartulaire de Marmoutier pour le Perche, Mortagne-au-Perche, Meaux* (Documents sur la province du Perche ; 3e série, 2), 1894, n° 270, p. 253.

Texte établi d'après a

Omnibus presentes litteras inspecturis, Hemericus dominus de Valnosia, armiger, salutem in Domino. Noverint universi quod cum Nicholaus Quarrel, armiger et Emmelina uxor ejus, mediante emptione sua, acquisierint in feodo meo, de Raginaldo Garneri et Agatha uxore sua, quamdam vineam quam dicti Raginaldo et Agatha uxor ejus de me tenebant, ad terragium et ad pressoragium et ad custodiam, ego prefatus Hemericus de assensu heredum meorum et de consilio amicorum nostrorum ad petitionem dictorum Nicholai, Emmeline uxoris ejus et amicorum eorumdem, et etiam de bonorum et prudentium virorum consilio, volo et concedo quod dicti Nicholaus et Emmelina uxor sua, et eorum heredes teneant de cetero, de me Hemerico et meis heredibus, dictam vineam totam et integram, sicut se possidet, cum suis pertinentiis, reddendo exinde mihi et meis heredibus de cetero, annis singulis, ad festum sancti Leonardi vel in crastino, in domo mea de Valnosia, duodecim denarios turonenses annui census et perpetui, ad usum et consuetudinem Belismensem, libere et quiete de terragio, de pressoragio, de custodia, et de omnibus aliis redibentiis quibuscumque, ad me et heredes meos, et quoscumque alios pertinentibus quoquomodo ; ita quod ego et heredes mei, seu quilibet alius ratione domini ultra dictum censum, sicut dictum est, ibidem nichil possumus de cetero reclamare. Et propter hoc dicti Nicholaus et Emmelina mihi dederunt centum solidos turonenses, de quibus me teneo pro pagato. Ad hec autem tenenda fideliter et garatizanda, sub forma premissa dictis Nicholao, Emmeline et eorum heredibus, ego Hemericus prefatus obligavi me et heredes meos, per litteras istas sigillo meo roboratas.

Actum anno Domini M° CC° LX° sexto, mense juli.